Dissertatio inauguralis medica de diaeta puerperarum. Oder: von der Diät der Kind-Betterinnen ... / [Johann Georg Hassfurt].

Contributors

Hassfurt, Johann Georg, 1702-1772. Schulze, Johann Heinrich, 1687-1744 Universität Halle-Wittenberg

Publication/Creation

Halae Magdeburgicae: Typis Jo. Christ. Hilligeri, [1733]

Persistent URL

https://wellcomecollection.org/works/ahhc7hxj

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org DISSERTATIO INAVGVRALIS MEDICA

DIÆTA PVERPERARVM

Von der Diat der Kind Betterinnen

GRATIOSI MEDICORVM ORDINIS CONSENSV

PRÆSIDE

D. IOANNE HENRICO SCHULZE
MEDICINÆ ELOQUENTIÆ ANTIQUITATUM ET
PHILOSOPHIÆ PROFESSORE PUBLICO
ORDINARIO

ACADEMIÆ CÆSAREÆ NATVRÆ CVRIOSORVM ET REGIÆ SOCIETATIS SCIENTIARVM BERO-LINENSIS SODALE

PRO GRADV DOCTORIS


PVBLICE DEFENDET

a. d. Martii M DCC XXXIII.

IO. GEORGIVS HASFVRT

CIVIS VLMENSIS.

HALAE MAG DEBURGICAE
Typis JO. CHRIST. HILLIGERI, Acad. Typogr.



2. B. F. 2. V.

DISSERTATIO INAVGVRALIS MEDICA

DE

DIAETA PVERPERARVM.

PRAEFATIO.

Ræclarum inter priscos legum latores nomen posteritati reliquit Lycurgus ille, qui Spartanorum rempublicam ita instituit, vt quantumuis exigua vrbs, & non adeo multis ciui-

bus constans, totius Græciæ princeps satis diu suerit, sola sortitudine virorum, quos produxit. Inter instituta autem eius non vltimum hoc suit, quod PLVTARCHVS, grauis in primis auctor, recenset: corpora virginum cursu, lucta, discique & missilium iaculationibus, exercuit, vt & nascentium exinde in robusto corpore quasi radix sirma iacta, germinaret eo melius: & ipsa, robore corporis freta, in pariendo dolores facilius sustinerent: itaque omnem delicatam & vmbratilem educationem, mollitiemque A 2

muliebrem sustulit. Non aliud fuisse priscorum Germanorum circa feminas institutum clare pate-bit vnicuique legenti ea, quæ CORNEL, TACI-TVS de moribus ipsorum nobis reliquit. Illud enim in vniuersum facile apparet, quod omnem ab educatione liberorum suorum mollitiem longissime remouerint, quodque seorsim muliebri sexui omnem rei familiaris curam soli reliquerint, neque a militiæ laboribus eas remotas voluerint. Ducebant enim secum, vna cum liberis, in exercitu, maximum hoc esse rati virtutis & fortitudinis incitamentum, si viri coram viderent familiam, cuius gratia aut fortiter oppetendum, aut exspectandum erat vt ignominiosæ miseræque captiuitatis sortem subiret. Valde etiam vero videtur simile, plerosque occidentalium ac septemtrionalium regionum incolas, vetustis temporibus, minime omnium probasse, vt mulieres ad molliter in vmbra viuendum adducerentur, & a prima ætate adfuescerent. Ab Asiaticis populis ille mos ad Ionas, vtpote proxime illis incolentes, mox ad Atticos etiam peruenit, ab his Italiam petiit, indeque ad plures gentes migrauit. Et quamquam in Germania nostra non adeo multum inualuit feminas in vmbram & ædium interiores partes

partes relegandi consuetudo; illud tamen negari nequit, quod in illis, quibus lautius viuendi facultates adsunt, vere multa obtineant, quorum vsu corporum suorum valetudinem labefactant, etiam quum maxime ea pro tuenda valetudine sequi & observare se existimant. Nam dum labores, quos familia requirit, obire indecorum fibi existimant, easque sere tantum occupationes ha-bent, quæ sedendo peraguntur; a cibis paulo crassioribus sollicite sibi cauent, & tantum mollioribus & nutritiuis vtuntur, ratæ sic consulere se naturæ, quæ seminis debilior obtigerit, iisque, quæ motu vincere cibum duriorem nequeunt, recta cum ratione ita viuendum esse. vero fieri nequeat, vt femina, non nisi selecto victu vsa, diu duret, quin alui obstructionibus obnoxia reddatur, plethoram incurrat, sanguinem spissum hinc reportet, mox congestionibus eius dolorificis tentetur, variaque in excretionibus naturalibus vitia sentiat: iam medico & pharmacopoeo fit vectigalis: quos si officiosos diligentesque nacta sit, matronarumque consiliis consuetis dirigatur, non longo tempore interiecto eo de-ueniet, vt raro dies transeat, quo non medicina aliqua assumatur, nunc aluo expediundæ, mox digestioni A 3

gestioni iuuandæ aut appetitui excitando destinata, aut mensibus in ordinem redigendis idonea. Si mhil aliud, sanguini tamen diluendo infusum theæ, & vaporibus a ventriculo repleto discutiendis decoctum coffe tam fit necessarium, vt & solæ & cum aliis, non salubrius tempus te fallere posse credant, quam si calidum hunc potum non sorbillent, sed ipsi plane insudent. Si iam accidat grauidam aliquam fieri, quantum non adhibetur sollicitudinis, prorsus ut nihil sit in rerum, quas non naturales vocare solemus, censu, quod non sollicite circumscribatur: quæ singula tamen nondum sufficiunt, nisi multitudo medicamentorum, nec matris nec foetus causa necessariorum, accedat. Iam vero si parturiendi tempus accessit, quotaquæque est, quæ non farraginem medicinarum, ex pharmacopolio petitarum aut domesticarum, in promtu habere velit: quem omnem apparatum omnino frustra adesse vix patiuntur, quin necessitatem, si non vera adest, aliquam facile fingunt, vt modo feliciores videantur rusticis, quibus permittitur sine talibus esse se-Enixam vero non pendere a consilio medici perpetuo, vix non apud omnes nefas has betur, postquam sere obliuioni traditum est puerperium, æque ac conceptionem, rem esse se-cundum naturam; & auctores quidam medici vulnerationem vteri, quæ nulla in partu naturali-ter succedente adest, sundamentum suis consiliis & methodis substernunt. Sic dum certant officiis matronæ & medici, sæpius pessundantur optimæ & ætate ac viribus florentislimæ puerperæ, idque, ex nouissimo sæculi more, plerumque pur-puratæ. Operæ itaque sacturum me speraui prehumanum conservationem suam debet, aliquas quæ in hoc genere passim regnant, præiudicia ad rectæ rationis normam reuocarem, eaque indicarem, ex quibus periculum afferri posse & solere cognoui. DEVM autem veneror, vt illos meditationibus nostris successus, quos vnice optamus, largiatur; ita futurum speramus, vt humanæ focietatis complura vtilia membra, funestum periculum afferentibus erroribus exemta, ad bene beateque viuendum certiore tramite progrediantut.

IN declarando autem, quid puerperam vocemus, minime puto esse laborandum, quum omnes facile intelligant, eam denotari feminam, quæ partu defuncta est : quo ipso parturientem, id est in ipso foerum: suum cum secundinis enitendi actu occupatam, proprio sensu non pertinere huc, sponte patescit. Illarum itaque diætam consideraturi, eam nobis incumbere operam existimamus, vt indicemus quomodo ex rectæ rationis dictamine, & experientiæ suffragio, se gerere debeant in vsu illarum rerum, quæ in scholis non naturales vocari solent, ne valetudo earum detrimentum aliquod capiat.

S. II.

Quum vero non eodem euentu mulieres partum excludant; quippe alias fine magno incommodo fanos vegetosque foetus edere, alias mortuos aut immaturos, sæpe maximis conatibus & moliminibus, sonticisque symptomatibus accedentibus vel superuenientibus, excludere constat: pro eo etiam diuersum emergere puerperarum statum facile intelligitur; porroque diætam aliam aliis ex hygieines regulis deberi, aliis ex therapeuticæ doctrinæ fontibus haustam congruere, sponte consequitur, Nam vtrique eam parti magistræ, tamquam instrumentum & ministram, inseruire certum est. Sed illam, quæ variis puerperarum morbis, actu præsentibus & infestantibus, præseribendaest, quoniam nimis late patet, & cum therapia cohærentes implicatasque rationes habet, nunc non attingemus: quuin abunde multa, pro nostro scopo, dicenda sint de diæta puerperarum tam bene recteque se habentium, quam illarum, quibus imminere aliquid, certis fignis adhibitis, cum ratione metuimus, etsi nondum actu adesse comperimus.

6. III.

Dari puerperas bene recteq; secundum naturam'habentes, forte nemo negauerit; videbiturque aliquibus frustra de eo quæri, postquam certum est de partu medicos in physiologia agere, quæ ambitu suo nihil comprehendit, nisi quod sit secundum naturam. In eadem disciplina plerique de aqua parturitionis, deque lochiis tractant: vt & ibidem ratio & indoles exponitur illorum, qui promouendi partus causa instituti sunt, dolorificorum motuum, quibus a veteribus nomen dolorum, adivav, eminentiori significatu tributum est. Es nimuero quod vna manu liberaliter largiuntur fere omnes, idem plerique ferme altera ereptum eunt. Nam quum dolorum doctrinam requirimus, in pathologia eam inuenimus, inter res præter naturam accidentes; si de sanguinis lochialis scaturiginibus institui optamus, aliqui caute silent de illis; plerique anastomosin vasorum placentæ cum vteri vasis antea fuisse docent; ablatam vero placentam non posse non matricis vasa post se relinquere aperta, vnde sanguis exprimatur: neque tamen desunt, qui absque ambagibus asserunt ortumipfius ordinario deberi causæ violentæ, nimirum graui vteri dilaceratoriæ vulnerationi: quo ipso puerperæ ordinarius status morbosus esse consequitur. Jamque ipsemet sanguis lochialis fere a plurimis pro fæculento habetur, in lacunis vteri, nescio quibus, durante grauiditate deposito, qui propterea expurgandus sit, ne ex suæ naturæ inquinata conditione & ipse omnino corrumpatur & reliquam massam, cum partibus solidis, in-Quin vsque adeo commune est, etiam inter pleplebeios homines, morbosam matricem hic supponere, vt sinem lochialis sluxus, quando materia chyloso-mucilaginosa tantum exit, nomine vernaculo vocent die Mutter - Schwierung, quasi dicunt matricis suppurationem.

6. IIII.

Atque hæc sunt potissimum, quæ ad puerperarum statum aut dubium reddendum, aut morbosum declarandum, faciunt. Operæ videtur pretium recte æstimandis istis paululum immorari. Ac de pres quidem fatis sensibiles coniunctos habere partum, facile largior: illos vero eosdem præter naturam esse nondum video: quum non solum omnibus parturientibus seminis humanis communes fint, verum etiam, quantum intelligere licet, omnis generis animalia partum cum dolore perficiant. Sed hac amplius disputare a scopo nostro longius recedit, qui non de parturiente, sed de puerpera iam enixa, proprie agimus; quæ, vbi bene cefferunt omnia, dolorum immunitate iam gaudet. De lochiis dispiciendum est. Ea vero, vbi recte consituta funt omnia, non magis præter naturam funt, quam menstruorum fluxus, quem, rite succedentem, nemo ad morbosum statum referet. Equidem concedo illam feminam, cui secundina cum tanta violentia extracta fuit, vt grauis dilaceratoria vulneratio vteri confequuta sit, morbosam, & non solum præter naturam esse constitutam, sed omnino in discrimine magno versari: hoc vero ordinarium esse neutiquam concesserim. Sunt etiam brutis animalibus, quibus nulla obstetrix manum admouet, adeoque nec vlla infertur violentia, lochia fua.

fua. Sanguinem vero lochialem fæculentum esse depositum, sapit insignem archaismum; fere dixeram soloecismum. Tantum enim abest vt sit crassior & sæculentus sanguis, vt potius humoris sanguinolenti, longe plus scilicet seri quam cruoris habentis, nomine
denotari mereatur in illis, quæ maxime secundum naturam hunc sluxum experiuntur. Quibus enim crassius, grumosus, copiosus succedit, hæ fere sunt ignauia,
mollitie & luxu vitiatæ, quarum nec lochia nec menstrua naturæ modum tenere posse exspectandum est:
aut istæ, quas importuna obstetrix saucias reddidit:
quæ ambo puerperarum genera vel morbosis ac accenseri debent, vel sub latitudine sanitatis, dubia ancipiti
sorte, versantur.

6. V.

Nimis memorabilis est illa, quam superius attigimus, appellatio finientium iam lochiorum, quam vt silentio præteriri omnino debeat. Et quoniam non folum in plebis ore est, verum etiam in medicorum libris legitur, seque haud parua veri similitudine commendat illis, qui lochiorum causam esse matricis substantiam magis minusue læsam & sauciam persuasum habent; quum nihil magis quotidianum sit quam rupta, vulfa, lacerata ad suppurationem deduci, sicque demum fanescere: totius negotii veram rationem paucis oportet edifferere. Ad vterum multa vasa sanguinem adferentia, eundemque reuehentia pertinent: si autem disfeces grauidæ matricem, haud facile obseruabis vel arteriam vel venam propria tunica, quæ ab vteri substantia dignosci possit, constantem: prorsus ve rectis-

rectissime secundum naturæ archetypum videatur scripfisse CAROL. STEPHANVS de dissect. part. C. H. p.272. cum primum implantantur & inseruntur in ipsum matricis corpus, tum tunicas suas amittunt, & in primam vieri membranam consumunt. Sed in iffa matricis substantia quidam veluti ductus ac canaliculi sunt varii & anfractuosi, quales in Spongits videmus, latiores & ampliores inter virumque parietem, quam in extremis, sanguinem intro demittentes ad foetum pracipue nutriendum. Hos vero ampliores ductus ac canales finuum nomine non male infigniunt auctores anatomici, quia rotundam figuram & fere cylindricam, vt alii canales fanguiduci, vix exacte feruant: quod & in illis, quos in dura matre videmus & finus appellamus, obtinet: vn de denominationis rationem fluxisse colligimus. Ab his vero finibus latioribus & amplioribus versus interiorem vteri superficiem tendunt ductus admodum exiles & tomentofi, quos in extremitate sua prorsus villosos observare licet. Has extremitates, non nisi tenuissimum sluidum serosum, si ordine iusto omnia fiant, vehentes & transmittentes, video a clarissimis viris vaginularum vteri nomine infigniri, quoniam ipsis, sicut vaginæ gladius solet, inseri & immitti credunt extremitates placentæ vterinæ villosas, que inde suscipiunt quicquid a matre ad foetum transmittitur. Verene hanc tam subtilium partium commissionem ita sieri viderint, an, antiquitatis honori consulturi, ita rem conceperint & eloquuti sint, in medio relinquo, quum ad præsentem rem parum omnino faciat, modo illud maneat, quod nemo negauerit, extremitates vltimas vaforum vterinorum villofas cum villosis

villosis extremitatibus tunica illius tenuissima, qua placentam exteriori sua facie ad vterum spectante ambit, ita coniungi, vt ex alteris in alteras detur transitus quantum cunque tenuis. Hæc vero, ante quam foetus in vtero fuam maturitatem confequatur, non minus arcte cohærent, quam arborum immaturi fructus petiolo fuo arboribus, aut vasa vmbilicalia vmbilico: vbi vero ad iustam maturitatem peruenerunt, facili negotio vel sponte secedunt, vel leuissimo tractu aut agitatione separantur. Quum vero, separatione facta, vterus, omni extendente mole liberatus, fibrarum suarum contractilitate semet in pristinam angustiam retrahens, sinus etiam suos angustet, fieri non potest, quin humores antea intus conclusi vndiquaque premantur, & pars illorum per istos tenues meatus expellatur, ipsa pressione meatulos illos aliquantum dilatante, donec a tergo vrgens fanguinis, vterum subire soliti, copia aliis viis adfuescat.

6. VI.

Hinc fit vt mox a partu non solum seminæ rectissme valenti, verum etiam omni animalium domesticorum, in quibus observationes facere licuit, generi, humor sanguinolentus initio profluat: seminæ autem valde plethoricæ, quæ desidia sua sanguinem etiam spissum
cumulauit, copiosior, & in grumos abiens, colligatur.
Quam primum autem sanguis ad vterum constuere desiit, & ad mammas iter potissimum direxit; ac vterus
successive ad pristinam paruitatem rediit: rubedo quidem perit ac non nisi serum penetrat: quod tandem,
quo magis tenues sunt redditi tot extremitatum villoB 3

farum exitus, paucissimum profluit, & alba, chylosa ac benigna sua indole eandem faciem præ se fert, quam in chirurgia observamus, vbi in abscessum iam repurgatis sinibus illud antiquis auctoribus vocatum cambium optimi de suturo successus spem ostendit. Quòd intuiti, simulque considerantes non nisi prægressa suppuratione in abscessibus hoc solere sieri, vnius essectus eandem esse causam vtrobique rati, hic etiam de suppuratione philosophati videntur quidam medici, vnde plebem persuasio eadem persuasit & prorsus inueterauit.

6. VII

Vidimus quam adeo nihil puerperium recte succedens, & in feminis, quæ secundum naturam vixerunt, præternaturale secum ferat : vnde nec vlla apparet necessitas diætam talibus aliam præscribendi, quam quæ hygieines ordinaria præcepta cuiuis indiuiduo aptat. Sed forte aliud docebit confideratio magni laboris, quo puerpera, cum foetum enititur, sæpe satis defatigatur. Enimuero tantus non est ex sua natura isthic labor, vt recte valentem cetera mulierem nimis affligat. Iniurii in conditorem humani generis videmur, si ipsi tribuimus, quod humanæ mulieres ad partum sustinendum minus fortes videntur, quam femellæ animalium ceterorum, quæ edito iam in lucem partu nihilo, quam antea, alacriores ad victum fibi prolique conquirendum prodeunt. Omninoque in plebeiis hominibus plures videmus, quæ vix a labore ordinario tantillum requiescunt: & puerperio plerumque longe felicius defunguntur, quam que mera nonnes porravias superbo inclufæ

clusæ lecto ignaua quiete marcescunt, & seruitia imperiis delassant.

6. VIII.

Quod si hæc singula non efficient, vt puerperarum statum præternaturalem esse agnoscamus, forte coniunctim fumta omnia, vt dolor, hæmorrhagia, labor enitendi & hinc orta defatigatio ac debilitas, obtinere debebunt vt morbosum quid in puerperis omnibus agnoscamus: præsertim quum ad dicta omnia accedat momentum grauissimum: scilicet multiplex mutatio tam solidarum quam fluidarum in puerperæ corpore partium. Nam quantum fummopere antea expansus, nunc sese contrahens, vterus mutetur, palam est: omnia abdominis membra hinc situs quandam variationem fentiunt, & versus inferiora descendunt, postquam causa ea sublata est, quæ sursum eadem propulerat: ipfi thoraci amplius, faltem liberius spacium permittitur. Musculi abdominis, superstrata ipsis cutis, & fubstratum peritonæum, contrahendo semet occupantur: e contrario autem mammæ increscunt, & thoracis cutis incremento mammarum tenditur: sanguinea vteri vafa angustantur, ad mammas tendentia, vna cum tubulis galactophoris, panduntur & amplificantur. Et hæc in solidis fiunt, tam vario modo, tam multis locis. Fluidis, quæ antea non habebant spiracula, nisi ordinaria in corporis superficiebus, caque angustissima, nunc aliquot millena noua amplioraque præsto sunt & tam late patent, vt non folum tenuior halituofitas, aut ferum subtile, effluat, sed plane simul sanguinei globuli penetrent. Hinc non solum minuuntur quantitate:

fed vero etiam videtur simillimum qualitati aliquid accidere debere: calor saltem, qui melius in humoribus
inclusis fouetur, detrimentum aliquod capiet, vbi tot
locis exspirare potest. Annon etiam aliquid, per poros introducentes, sanguinis massam hic subibit? Quæ
singula cogitanti, & inter se tot mutationum momenta
comparanti ac coniungenti, facile sorte videbitur,
totam corporis oeconomiam hæc inter mirisice perturbari, multaque sieri debere quæ sunt præter naturam.

6. VIIII.

Equidem stupenda hæc esse agnosco & profiteor; quæ ad conditoris nostri sapientiam cognoscendam, aut saltem admirandam & celebrandam, ducere nos manu debent: absit autem vt ordinem naturæ ab his necessario turbandum esse vel in mentem veniat. Quæ iusto ordine, mensura, tempore decurrunt ad finem salutarem, & talia sunt, vt necessario sic fieri debeant, aliter autem non possint; ea præter naturam haberi non debent. Si magnæ & stupendæ mutationes naturalem statum turbarent, omnes in lucem recens editi infantes deberent maxime ægrotare, quibus a prima lucis víura, intra paucos dies, tet admirabilia accidunt, vt iuncta omnia, quæ in matribus fiunt, vix commemoratu digna videri debeant, si cum magnitudine illorum conferantur, quæ in tenellulis corporibus, plerumque sine languoris vllo sensu aut vestigio, tacite placideque absolvuntur. Quid potest magis admirabile esse, quam animal, in mediis aquis enatum, & per complures menies viuere adsuetum, illico aeri adsuescere, aquis desuescere, simul ac lucem vidit: sanguinis omnem massam per pulmopulmones, antea feriatos, traiicere, vias languinis maxime patulas breui tempore omnino claudi, quin aboleri, vt sunt foramen ouale & canalis arteriosus, vt &
canalis venosus in hepate: insignia & ampla vasa, duas
arterias vmbilicates, vnamque venam amplam, ab vmbilico separari, illo extremo acuminari tamquam cauterio tactæ essent, intus retrahi, cauitatem amittere,
quin maxima sui parte omnino aboleri, vt nec vola nec
vestigium verum supersit: ipsius cordis, quod nullo
momento feriari debet, quasi resingi fabricam, vt, quod
in embryo duobus ventriculis exacte æqualibus magnitudine, capacitate, robore & crassitie sibrarum constabat, sibi dissimile siat, sinistro per omnia robustiore,
dextro, quasi appendice sinistri facto, longe illo staccidiori & sibrarum tam copia quam robore inferiori.

Hæc vero hactenus commemoranda fuerunt, vi intelligeretur nullo pacto confirmari posse illud, si non apertum dogma, directa tamen consequentia sluere ex quibusdam assertis visum, tamquam puerperarum ordinarius status morbosus sit, aut magis ad morbum quam naturam accedat. Manet igitur sirmum puerperium in se consideratum non essicere mulieres morbosas: darique puerperas, quæ omnino sine vlla valetudinis ossensa ea omnia absoluunt & sustinent, quæ ab hoc negotio, ex natura eius, separari nequeunt, longeque plures dari posse tales existimandum est, nisi plurimæ morbis suscipiendis idonea ac præparata ad hoc negotium corpora adserrent, seque deinceps incongrua diæta præcipites in morbos darent. Quantumuis enim

contendentes puerperium in se morbum haud secum serre: propterea haud negamus, hoc maxime tempore teminas morbis opportunas esse, si recte viuendi regulas nimis secure negligant, aut impedire non possint, quo ninus externæ quædam causæ impetum in se faciant. Nam quo plura sunt, quæ intra breue tempus aliter in corpore componi disponique debent, eo facilius est impedimentum naturæ talia peragenti posse obiici, vnde omnia perturbentur & periculosa consusto ordinis enascatur.

6. XI.

Paucis itaque dispiciemus, quid sanæ & recte habenti puerperæ tenendum fit, ne aliquo in rebus non Aerem talem naturalibus errore commisso lædatur. curer habere circumfusum, qui nec frigiditatis sensam inferat, nec æstum adferat, eamque temperiem, quantum fieri quidem potest, æqualem conseruet. Corpore leuiter tecto iaceat, in tantum quidem, ne transfpirationis successus vilo pacto prohibeatur: cauendo ab anili commento, quod ad fudorem perperuo dispohtam puerperam manere iubet, illisque, qua continuo madent, die hübsch in der Beitze bleiben, und wohl neun und neunzig Schweisse abwarten, optimum successum puerperii promittit. Quid enim boni sperabimus de femina, cui humiditates tenuissima per continuos sudores subtrahuntur, ve massa humorum spissa non euadere non possit? Nonne aliis excretionibus secedet, quod hie inconsulto effunditur studio? Hinc lochiale negottum protrahitur ac fufflaminatur, aluus dura & tarda redditur : quæ duæ tere eaufæ primæ funt, cur initio

tio quidem pharmacopolium domesticum exhauritur, deinde vero, si malum iam radicatum latius progreditur, ad medicum curritur, qui plerumque tunc demum vocatur, quum mala per longam inualuere moram, vt sæpe non mirum sit, cur sero parata medicina parum prodesse possit. Neque istud solum est nimii caloris periculum, sed ineuitabile fere aliud ex hoc consequitur, vt, quoties necessitas aliqua puerperam surgere de lecto iubet, ficque vel leuissime refrigeratur, illico alterationem quandam corpus fentiat; quæ non raro, aliis concurrentibus causis sese iungens, febrium generationi nimis efficaciter fauet. Ne dicam quantum in se calor valeat ad humores exæstuandos, quantamque puerperæ anxietatem afferat, difficilem tandem respirationem reddendo, quum pulmones non rite expandantur, vbi non nisi calidus & iam satis expansus, forteque pluribus diebus non ventilatus aut renovatus, aer admittitur.

6. XII

Circa cibum & potum puerperæ recta ratio præferibit antea omnia quidem iustam moderationem in quantitate, primis vtique diebus, donec vterus ad legitimum modum redactus, sanguinis autem ad mammas constuxus, per satis iam patulas vias, libere siat, ipsaque lactis secretio laudabiliter succedat. Ante enim, quam hoc vrgens negotium absolutum est, facile nocet repletio quæcunque: posthæc plenior victus tutius indulgetur, quantum matri sustentandæ & recreandæ sussicit, quæ soboli lacte suo nutriendæ haud parum debet impendere. Primis diebus, dum lactis negotium nondum

absolutum est, a carnibus carniumque iusculis melius abstinctur: tantoque magis si ipsa puerpera carnes a-uersatur: quod non rarum est cernere: superatis illis edat, quæ boni succi sunt & nutriunt, quantum necessitas postulat: modo condimenta aromatica parce moderateque addantur. Potus sit sufficiens, primis diebus tenuis, neque frigidus, nec omnino calidus. Quæ theæ & cosse insussa adsueuerunt, ea moderatione illis vtantur, ne incalescant & sudorem inuitent: quo errore porro ad calidum regimen ceterum adiecto, facile adducuntur puerperæ ad purpuratas excretiones cutaneas, quæ non paucis sunesse decurrunt.

6. XIII.

A motu laboriofo & defatigante puerperam confuerudines moratiorum gentium vbique eximunt. Quies ipfis, primis maxime diebus, indulgenda est, qua in lecto commodissime fruuntur, quamdiu lochiorum suxus durat: hoc absoluto nihil prohibet extra lectum aliquando versari, obambulare, rebus non delassantibus occupari, ficque per gradus debitos ad pristinum viuendi & rem domesticam curandi ordinem redire. Somni beneficium bene valenti puerperæ neutiquam eripiendum est: quod passim solent per primas a puerperio horas: forte ex eadem ratione, qua illis, qui fanguinem ex vena emiferunt, diffuaderi folet: quoniam iam inuahit præceptum, puerperas ita tractari debere, vt vulneratas. Fallor, an illud ex eo fluxit, quod CORN. CEL-SVS lib. VII. c. 29. de femina agens, cui foetus mortuus multo molimine & ferramentis extractus est, præcipit, curationem illis talem esse debere, qualis in inflammationibus & in his vulneribus, quæ in neruofis locis sunt, adhibeatur: quod particulariter dictum, in regulam v-niuersalem conuersum est. Metuunt vtrobique, ne sanguinis prosusso exorta non sentienti vitam eripiat, aut ne syncope superueniat, quæ non animaduertatur. Ceterum nec meridianus nec diurnus somnus denegari debet, si sollicitudo tenero infanti impensa noctes, vt sæpe solet sieri, insomnes secit.

§. XIIII.

In censu rerum excernendarum ac retinendarum non nulla observatio etiam sanissima puerpera debetur, præcipue propter lochia, quibus omnino prospiciendum est, ne maturius, quam par est, desinant, aut parcius iusto suant: quod verumque magis euitando ea, quæ impedimento esse naturæ possent, cauebimus, quam nitendo efficiemus. Diximus antea quid inconsultus calor, fudatio, potus deficiens hic valeant, ad falubre hoc negotium turbandum : quæ euitanda impenso studio fuademus. Ceterum vero si absque vllo errore præuio videantur nimis parce profluere lochia, bene perpendenda multa sunt, ante quam promouendi illa consilium capiatur: an feminæ menstrua etiam parce fluxerint, an breui ante partum vena secta humorum abundantiam minuerit, an ipfo in partu multum fanguinem effuderit; quæ fi addicant omnia, & puerpera nihil mali fentiat, non illico trepidandum est. Si aliquid fuspicandi rationes adfint, fuaserim potius experto medico rem permitti, quam propriis confiliis agere: tan-toque magis hoc opus est, vbi refrigeratio, aut alius quiscunque error, subitum sluxus sinem attulerit: quo ipso puerpera sana esse desinit.

§. XV.

Solent alicubi puerperarum recens enixarum ventribus fasciam longam ac latam circumducere, vt & partium antea extensarum debita contractio adiuuetur, & ab hac rite succedente sanguis, a quo vterus tantopere persusus suit, sensim exprimatur. Ea deligatio, si quidem modesta suerit, nihil habet, cuius causa reprehendi debeat: si vero nimis arcta siat, vt vix respiratio integra sit, ac circulo sanguinis libero obsit, iuste reprehensa iam est a RVYSCHIO aduers anatom. Dec. 11. p. 39. Forte impedire tam strictis vinculis id volunt, quod MERCATVS satis aniliter metuit, ne vterus, tamquam fera siluestris, vagetur ab euacuatione.

S. XVI.

Est etiam alui libero successui inuigilandum: non solum ne omnino supprimatur, sed etiam ne nimis sicca secedens, & cum magno conatu deponenda, occasionem præbeat lochiorum negotio turbando. Hoc etiam magna ex parte cauebitur, euitato illo errore, qui nimio calore & sudoris euocatione committitur: deinde potu sufficiente & diluto assumto. Quum vero seminis tantum non semper longe capaciora sint intessina, quam viris, & pleræque, etiam sanissimæ, aluum rarius deponant: puerperii vero tempore cibis plerumque vtantur mollioribus, minus multum sæculenti & recrementitii relinquentibus, omnium facillime hæc excretio moras nectit. Obuiam huic ire per diætam lice-

licebit, primo quidem, si non adeo sollicite eas iusculentis & mollibus cibis adfuescamus, quin permittamus etiam solidioribus frui: non beneficio imputemus panem similagineum, sed domestico bono frui patiamur. In mensa aliquando apponantur pruna cocta, passulæ. Si cum his omnibus tamen vltra consuetum cuique tempus moretur aluus, consultissimum est enemate emolliente & oleofo aluum ducere: quod longe fit fecurius, quam fi medicinæ in hunc finem adhibeantur. Si clysterem infundi sibi nolit, passulis aut prunis decoctis aliquantulum radicis rhabarbari, radula comminutæ, inspergatur: quod non solum puerperis sed & gestantibus plurimo eum fructu suadetur. Oleum etiam amygdalarum dulcium, recens & frigide expressum, & cum iusculo haustum, aluo leniendæ prodest, & alias infignes vtilitates puerperæ spondet. Transpirationem insensibilem perpetuo conservandant, sudorem neutiquam prouocandum esse, iam proposuimus.

§. XVII-

Optimæ valenti puerperæ granissimum damnum afferre valent subiti affectus, quorum omnés occasiones, quantum sieri potest, præscindendæ sunt. Vnde non malo consilio sit apud illas, quarum conditiones lautiores sunt, vt puerperio celebrando peragendoque destinetur intima pars ædium, vnde omnis strepitus remoueri possit. Fere tamen maximum a terrore magno imminet periculum eo tempore, quo lochiale negotium peragitur: a quo sæsis illico succurrendum est a medico, si præsto sit. Si nullus haberi possit, vt rure degen-

degentibus, dent operam præsentes, vt animum probabili sermone erigant & porrigant aliquid eorum, quæ puerperæ in tali periculo constitutæ suo loco commendabuntur. Iracundia etiam, grauiorque excandescentia, mirum in modum noxia euadit, quare omnes caute submoueri debent occasiones, que animum irritare queant. Bono autem animo esse, & optima de futuro sperare, omnique fiducia in Deum collocata, de successu præteritorum lætari inprimis conuenit: sic enim omnes actiones naturales exoptato vigore constant, ipsaque natura, sibi per omnia relicta, nulloque impedimento turbata, ad felicem exitum omnia perducit. Iuuat tempestiuis confabulationibus cum domesticis & amicis tempus fallere, talibus tamen supersedere visitationibus, vbi decori ac confuetudinis imperiosæ leges aliquando dissimulare, aut facere & omittere multa iubent, que sole nec facture nec intermissure fuissent. Est aliquibus locis in more positum, vt, finientibus iam puerperii diebus, visitantes amicas singulari pompa excipiant, quo tempore multa facere coguntur, a quibus defatigantur aut læduntur : aliquæ etiam ex illo principio ortos morbos fibi contraxerunt, qui funestum exitum habuerunt, quum ad illud vsque tempus incolumes peruenissent. In talibus præstaret omnino mori non obsequi, quam consuctudinem se-Stando mori.

S. XVIII.

Atque hæc funt, quæ de puerperæ rectissime so cundum naturam habentis regimine dicenda suerunt visa:

visa: quæ ita putamus iustum modum tenere, vt nec puerperam nimis constringant, neque tamen omnino laxam periculo exponant. Omninoque maluimus in eam partem, que cautior est, inclinando peccare, quamad viuum omnia resecando, culpam sustinere, quod sequioris sexus necessariæ curæ detractum iuerimus. Illud satis certo scimus, & tanguam & do gov præ nobis ferendum putamus, feliciorem per omnia esse feminam, quæ fibi minimum indulget, dum grauiditatistempora complet, otia refugit, mollitiem odit, a nullorei familiaris labore, quem sustinere valet, abhorret, & imaginariam tam diætam quam therapiam, in muliercularum & speculantium iatrosophistarum cerebris enatam, ignorare cupit. Iuuabit illas audire honestas matronas, non gregariorum militum vxores, sed quarum mariti conspicuum aliquem gradum militiæ consequuti sunt, quæque ad gentis nostræ illas matres, quæ ante bis fere mille annos vixerunt, proxime accesserunt vitæ genere; mirabuntur sane, quam multa cognoscent illas tulisse impune & absque incommodo, quæ ad decempedam vrbanæ consuetudinis relata homini haud toleranda. longe vero minus grauidæ aut puerperæ cogitaturæ sunt. Quid natura humana ferre possit talibus quidem exemplis æquissime considerabunt omnes ingenuæ: sed forte veniam etiam roganti daturæ funt, fi illis stitero exemplum feminæ ex vltima quidem fæce, & feruæ, tamen hominis & puerperæ, quod D. D. SAM. LEDE-LIVS, medicus Görlicenfis, ad illustris Academiæ Naturæ Curiosorum Ephemerides transmisit, quarum Dec. II. Ann.

n. Am. VIII. pag. 84. legitur. Scilicet iuuencula XVIII. annorum, furtiua venere imprægnata, illud celabat & debito tempore, dum in superiori contignatione horrei sono impleti cubabat, medio noctis puerperio sola desungebatur. Primo diluculo surgebat, trituratione imperata toto die occupabatur, eodemque labore per totam hebdomadem, non alio quam consueto victu vsa, sungebatur, omniaque domestica officia præstabat, ac si nihil passa esset, donec post octiduum in suspicionem adducta, examinata & inspecta, de partu consessa est.

6. XVIIII.

Miramur talia legentes apud scriptores illos, qui inter Calmuccos & Indos versati annotauerunt, quæ ibi viderunt. Recognoscamus quid in ipsa Germania vere sactum sit, & desinamus tandem naturæ imputare, quod vitio temporum & morum accidit. Crebra puerperarum sunera non puerperio debentur, sed plurima incongruæ puerperarum diætæ, & longe plurima ex his nimis accurato & sanæ rationis terminos excedenti elekodialra na elekodeseapeia, i. e. cerebrino regimini, salso valetudinis sulciendæ & sictitium morbum sugandi superandique studio vnice superstructo, aut ineuitabilis cuiusdam, quem phantasia præcepimus, morbi præoccupandi. Scilicet de nobis cecinit vates:

Damnosa quid non imminuit dies?
Atas parentum, peior auis, tulit
Nos molliores, mon daturos
Progeniem vitiosiorem.

Quum vero nostris remporibus eo res deuenerit. vt rarissime obueniat puerpera omnino sana, & quæ totum tempus fine aliqua valetudinis labe aut vacillatione transigat: adiicere nunc debemus, quæ tenenda fint puerperæ morbi alicuius rudimenta primaque initia percipienti, ne illa negligendo totam se occupandam isti permittat. Plurima autem puerperæ mala enascuntur, quando lochiorum legitimus successus errore aliquo fuit turbatus. Potentissime hic valet terror, a quo omnino prohibere & præseruare puerperam, in hominis nullius potestate situm est; vtinam effectus eius noxios corrigere semper liceret. Diæteticus quidem fons hic suppeditat ante omnia, vt probabili sermone erigatur perculfa: præbeantur aliquot croci stamina deuoranda, aut cum iusculo adsumenda: si adsint lapides cancrorum præparati, drachma vna cum 'cyatho vini Rhenani præbeatur: si vinum desit, locum eius supplebit acetum quoduis; vt cancrorum lapidibus surrogari possunt, quæ vix vmquam in domo deerunt, ouorum testæ comminutæ. Aluo mox infundantur enemata ex blandissimis emollientibus & carminatiuis cocta, aliquot olei cochlearibus adiectis, siue sit amygdalarum dulcium, fiue oliuarum aut lini : quorum fi nihil fuppetat, quæuis pinguedo vt caponum, anserum, gallinarum, immo butyrum etiam, optatum fructum feret. His adhibitis tranquilla coniungatur in lecto quies, qua fruentibus iamque animo sedatis optime spe-rare licet, si nulla caput infestet congestio indeque ortus dolor.

dolor, si palpitatio cordis conquieseat, si pussus ad naturalem modum reuertatur, si aluus post aliquot horas, si lotium mox descendat. Quorum si nihil respondeat, res iam ad therapeuten deuoluenda mature erit.

S. XXI.

Fieri quoque solet vt maiori excandescentia, illa præfertim, quam ex indignatione præuia moeror profundus excipit, lochiorum successus prohibeatur & intercipiatur. Haud certe minus hic est sonticus affectus, si non magis etiam periculosus; quum duo contrarii motus auctores se immediate suscipiant, quorum prior expandendo humores & commouendo, folidarumque partium motum intendendo agit, alter fubsequens intra compellendo, exteriora autem constringendo, terrori paria faciat. Compar autem est auxilium, quod a diæta hic etiam adferri potest, omninoque idem, quod antea indicauimus. Neque aliud melius fuaderi potest puerperæ, cui frigus improvide admissum lochia cohibuit, nisi quod huic etiam facilius interinitia fuccurratur vapore calido ad muliebria loca admisso ex lacte simplici, aut incoctis sloribus chamæmeli, sambuci, & fimilibus domesticis, per intestina vero infuso enemate ex similibus parato, adiectis oleosis aut pingnibus aliis.

S. XXII.

Febriles aliquando horrores puerperam percurrunt, primis vtique diebus, quando vasa ad mammas tendentia dilatanda & amplianda sunt, vt lactis prouentus consequatur. Tunc in primis id dare debemus operam, vt nihil admittatur, quod tranquillum & placidum transpirationis successum omnino sussilium et: & ne molestus assectus animum perturbet. Succurritur blandis frictionibus, & spinæ dorsi, maxime interscapulas inunctione cum oleo chamæmelino aut anethino. Eædem inunctiones prosunt, quando a partu dolores non conquiescunt, vbi insuper præcordiis etiam adhibendæ sunt. Interioribus per enema paregoricum & oleosum prospiciatur: iusculis addatur semen cumini in puluerem redactum, aut nigellæ, quod experimentis multis comprobatum laudatur. Quando autem res ad sebrem maniseste spectat, siue lochia suppressa fint, siue aliquis magnus error naturam perculerit & turbauerit: vix sola præsidia sussilium suademus.

S. XXIII.

Accidit non numquam puerperis, vt mammæ erysipelacea quadam inslammatione corripiantur. Huic
mederi facile licebit impositis linteis croci tinctura imbutis, siccis tamen & calidis. Nescio an multum reserat siue aqua affusa, siue spiritu quodam non nimium recriscato, siue tandem vrina pueri impuberis tinctura
croco extracta linteis tingendis adhibeatur: noui tamen
matronas qui vltimo modo prærogatiuam sigularem,
experientiæ suffragio consirmatam, tribuunt. Mammas aliquando nodi quidem distendunt, nondum satis
liberis & expeditis viis, per quas humores ferantur.
Matronæ pelliculam mustelæ, præsertim albæ, imponunt, eaque subinde nodos blande fricant. Hæc si non
D 2

ad manus sit, aut non satis promtam opem serat, imponatur emplastrum de spermate ceti, aut diaphoreticum Mynsichti, aut, quod etiam desperatis sere rebus & ad suppurationem iam spectantibus, præter & supra spem multis profuit, ceratum citrinum: nec contemnendum est diachylon comp. cum illo de spermate ceti mixtum.

6. XXIIII.

Multas subinde molestias matribus faciunt fissuræ papillarum, quæ raro sine tumore magno conspiciuntur, vnde tenellulis suctio lactis perdifficilis redditur. Incipienti malo fere optimum est liquamen myrrhæ, puluere glycyrrhizæ ad linimenti confistentiam redactum: vbi iam inualuit, oleum ceræ, aut solum aut oleo ouorum distemperatum, ad opem vocare conuenit: iterumque iuuat fluxilitatem eorum inspersa glycyrrhizæ farina temperare, & pileolum ex cera flaua confectum muniendæ papillæ fuper imponere. Atque hæc funt, quæ pro ea, quæ suppetit, copia temporis, commentari de regimine puerperarum licuit : quantum scilicet per diætetica confilia, ipfique proxima quædam externa, eam regere licet, ne ex statu suo, per se quidem & ex fua indole nihil præter naturam fecum ferente, in valetudinis periculum aut detrimentum adducatur: quod ne vlli accidat, ex toto animo

FINIS.

optamus.

Sæpius

Saudia contestor, de fausto gratulor ausu.

Et precor ut porro prospera cuncta cedant.

Et precor ut porro prospera cuncta cedant.

Nobil. & Experientissimo Domino Doctorando de hoc Eruditionis specimine gratulabatur applandens

V. B. Brockman,

Physicus Civit. & Provincial.

Ui didicit veras morbi perquirere causas, Felix curabit; rixas contemnet inanes. Sedulus his missis, illis HASFVRTE dedisti, Omne tuum studium; quæpropter sausta manebit Te praxis, tibi cuncta cedent selicia semper.

> Hac, Hasfurto suo adplandens cecinit, Opponens,

> > S. Schaarschmidt, Med. Lic.

> > > 50

So würdig in dem Purpur stehn, Als Du, geschicht gewiß nicht offte. Dis alles ist in Dir vereint Und giebet Dir, Geehrter Freund, Das alles was man immer hosste. Wer leugnet, was die That beweist? Was Hossmann und was Schulze zeugen? Dis ist genug, wenn alle schweigen, Daß Du recht würdig DOCTOR senst.

Durch diese zwar wenige doch prohlgemeinte Zeilen wolteder Wahrheit und Freundschafft nach, dem Herrn Doctorando seine Ergebenheit bezeugen

Nicolaus Borries,

Haffnia-Danus Med. Cult.

